

諸番國咸來朝貢獨遺中華而不相通洵乖舊好適周某來得通問好機請自今結符信通福船兩國之利孰大焉且吾海商歲航蕃方者遭風破船或置薪糧亦願見惠敝邑僻處海隅所謂曩爾國也中華以大字小之意幸有熟圖長崎奉行長谷川廣智亦致書皆不答十八年將軍秀忠命島津家久因琉球王尙甯致書於福建巡撫丁繼嗣求互市亦不答元和七年明浙直總兵遣人齎書請禁海寇將軍卻之寬永二年將軍復令末次正直貽書於福建總督求通商亦不得報

日本國志卷五

日本國志第二

卷之六

出使日本參贊官黃遵憲編纂

鄰交志上三

華夏

日本明正帝正保三年丙戌時我

世祖章皇帝定鼎燕京既三年矣我

大清龍興東土聲威所播先及暘谷莫不震聳又當德川氏執

政權方欲以文治致太平故二百餘載彼此安和海波無警是

年八月鄭芝龍奉明唐王聿鍵意贈書暨方物乞援兵芝龍福建南安人先為商寓長戶娶婦田川氏生二子長曰森即鄭成功也既而芝龍去為海盜擁眾數萬崇禎時就明招撫有戰功封平虜侯嘗圖其軍容贈日本求還書聞將軍德川家光召宰執酒井

忠勝等議之又下議德川三親藩賴宣建議曰援而有功無益

於國倘若無功匪翅辱國結怨強鄰實貽後患勿援為便議遂寢命日根野吉明如長崎告之會聞

大清兵下福建芝龍就撫遂罷使卻信物令西北諸大藩陰戒

不虞冬十二月崔芝復遣使致書乞兵按芝福清人初為海盜既而受撫乙酉秋唐王

加水師都督駐舟山黃宗義行朝錄書畧曰芝忝任水師都督

有志無力有力無兵貴國人皆義勇兵皆精悍慣於刀鎗熟於

舟楫芝思竭君辱臣死之忱難忘泣血枕戈之舉敢効七日之

哭借三千之兵壯我同澤同袍之氣永締如帶如礪之盟又致

一書乞給日本甲二百副皆不納後二年戊子鄭彩致書乞兵

器成功亦貽書長崎有司書畧曰大明龍興三百餘年治平日

久人皆忘亂以至今日成功誓心報國徘徊瀾閩頗有憤憤樂

從者然孤軍懸絕四面無援成功生於貴國值此艱難倘惠假

數萬甲兵感豈有極亦不報戊戌成功又遣使贈書畧方物致

時與長崎通商已丑馮京第黃宗義以明魯王以海命來長崎

乞師不達朱之瑜亦來乞師不達之瑜字舜水明餘姚貢生亦

長崎圖藉外援終不遂其志至歲己亥遂留長崎不歸筑後人

安東守約分廩祿之半師事之德川光國欽其德義請之幕府

延為賓師水戶文教之興與有力焉是時有僧陳元贊明進士

辟難削髮來居西京有福建僧隱元德川家網遣人迎之命於

宇治創萬福寺名曰黃葉傳衣鉢者多漢人其後有畫工沈詮

號南嶺慕府聘之來長崎亦留不歸均為日本所重附識于此

暨明唐魯二王亡遂絕音問日本籍稱我康熙十二年七月平

崎奉行贈銷金馬鞍以通商船書有山麗水秀人物清華之語

考尚可喜於十二年三月告老以兵事屬其子之信進忠時官

潮州鎮總兵十三年叛旋結鄭錦掠潮惠蓋鄭氏素與日本往

來進忠知之將萌叛志預圖外援故有此舉可喜時為之信所

制不得出一而華商之來日本者日眾有船一百八十四艘雜

居長崎街市和同貿易不經官司至德川綱吉始設官董理限

1. The first step is to identify the problem or question that needs to be answered. This involves understanding the context and the specific requirements of the task.

又上江

年舊好又兩大同在亞細亞不可不締和好以示親睦七月乃

遣外務權大丞柳原前光
齎外務卿書呈我總理各國事務衙門

門預通好事宜書曰大日本從三位外務卿清原宜嘉從四位外務大輔藤原宗則謹呈書大清國

總理外務大臣近歲
與秦西諸國訂盟鄰
近如貴國宜最先通
情好結和親而惟

商賈往來未脩鄰交之禮不亦一大闕典乎我邦維新之始卽
欲遣公使脩盟約內國多故遷延至今深以爲憾茲謹奏准特

遺從四位外書權大丞柳原光正七位外書權少丞花房義實從七位文書權正鄭永南等於貴國預商通信事宜以爲他

遣使脩約之地伏冀貴憲臺下款接各員取裁其所陳述謹
白先是錢同治元年長崎奉行遣齎付和蘭船攜貨至上海

因和蘭領事謁上海道吳煦請曰日本向祇與荷蘭通商自英

制未能拒絕我官民等會商愈謂若自行販貨分赴各國貿易

或可稍分西商之勢今則至上海一處貿易并設領事官照料
例不敢請立和約惟求專來上海一處貿易并設領事官照料

完稅諸事通商大臣薛煥允其暫由荷蘭商人報關驗貨倘未
許其購貨商人歸時又請倘允通商乞諭知和蘭領事轉達將

來或遣公使籲求至同治三年又有日本商船至上海請英國領事巴夏禮爲介紹通商大臣又允其以日本商名自行報關

同治七年長崎奉行河津某又由英國領事致書於江海關道

應寶時書稱與歐羅巴諸洲往來時有公使奉命紳士海歷附
洋船而西者過境請為照料又有日本商民請赴內地傳習學
術經營商業就便僑居者均有本國護行印照請驗明符信至
顧念鄰誼云云此皆德川將軍時所遣至是朝廷始派委員至
天津謁見三口通商大臣成林直隸總督李鴻章成林代為上
書命留津候命總理衙門議允所請覆函許通商仍有大信不
約之語前光緒請再三前光緒鴻章曰英法美諸國強逼我國
者允之不可允者拒之惟念我國與中國最爲鄰近宜先通好
以冀同心合力鴻章爲達之總理衙門前光緒又上成林書曰我
與泰西十四國皆已換約各國與我相距十萬里尚有公使領
事來駐我國保護商民獨中國雖有商賈來往曾無官長約束
西人謂我西國至者應以西人視之竟令華民歸其管轄久有
如束溼薪之勢我外務卿軫念及此於戊辰春曾兩致上海道
領事台華民還我管轄始脫樊籠現已居以別區編立戶籍優
加保護然終不免西人橫議者以未會換約故也前有西人視
上海者以無約故竟依和蘭領事爲介紹中國亦若以西人視
之中東兩國利權不能自操乃均爲西人佔據我國廷臣會商
此事謂宜預先遣員通款爲將來派使換約之地是以特派前
光等前來當啟程時或謂不以西人紹介事恐不諧我外務卿
乃與爭論謂兩國唇齒相依何必自棄夙好轉倚外人苟以至

誠懇請彼國當道必愈加親厚今若回報不必換約殊非我外
務卿一片苦心前光等亦無以報命云云又謁成林曰我等來
時西人謂泰西小國皆邀我大國同往中國始允立約今日本
派員自往恐未必成外務卿置之不答是以僅持英美二國致
駐津領事函託其照拂今總署覆以不必立約若奉以回國如
西人恥笑何又以手作勢云彼似太高我似太卑又自指云太
覺無顏如不邀允雖死亦總署覆以不必立約若奉以回國如
不敢東歸成林均爲轉達總理衙門鑒其意誠遂允訂約俟派
有大臣來時商議前光等感謝而歸明年四月特以大藏卿伊
達宗城爲欽差大臣使於我大清締盟約外務大丞柳原前光
副之外務權大丞津田真道文
書權正卿永甯等從焉**我**

朝特簡欽差大臣協辦大學士直隸總督李鴻章爲全權大臣
辦理日本通商事務江蘇按察使應寶時署直隸津海關道陳
欽隨同幫辦六月宗城等至天津往復商論至七月遂定修好
條規十八條通商章程三十三款附以中國日本海關稅則
前光等歸我疆臣有以前明倭寇爲辭奏請拒絕日本通商者
欽差大臣直隸總督李鴻章奏駁之畧謂我朝鮮內附聲威

震誓日本同不敢越屬藩而窺犯北邊亦從未勾內奸而侵掠東南實屬畏懷已久順治迄嘉道年間常與通市江浙設官商額船每歲購銅百萬斤咸豐以後蘇浙閩商往長崎貿易寄居者絡繹不絕其安心嚮化可知矣論者拒絕之請於今昔時勢彼國事實蓋未深究今彼見泰西各國與中上立約彼亦經與泰西各國立約援例而來似係情理所有之事倘拒之太甚必因泰西介紹固請自不如就其納款之時推誠相待委員柳原前光等來謁每稱欲與中國結好同心協力立言亦頗得體既允議約在前斷難拒絕於後云云欽差大臣大學士兩江總督曾國藩亦奏稱臣竊思道光二十一年間與西人立約議撫皆因戰守無功隱忍息事厥後屢次換約亦多在兵戎擾攘之際左執干戈右陳槃敦一語不合動慮决裂故所締條約間有未能熟思審處者日本二百年來與我中土并無纖芥之嫌今見泰西各國皆與中國立約通商援例而來請叩關而陳辭其理甚順其意無他若我拒之太甚無論彼或轉求西國介紹同請勢難中卻即使外國前難於參觀疑我中國或轉求西國介紹同之則易於行成順而求之則難於脩好亦殊非聖朝懷柔遠方之本意自同治元年始有日本官員以商船抵滬憑和蘭國報關進口中國隨宜拒却亦已久矣今既合其特派大員到時再商豈可復加拒絕論者杜絕之請蓋未能合其特派大員到計自後而酌核也日本素稱鄰邦非朝鮮琉球越南臣屬之比其自居鄰敵比肩之體欲仿泰西英法諸國之例自任在中之海關稅則之輕重亦必與泰西從同日本自謂為強鄰大之邦同文之國若不以泰西諸國之例待之彼將謂厚薄薛積疑生

隙臣愚以為悉倣泰西之例亦無不可但約中不可載明此照泰西各國通例辦理尤不可載恩施利益一體均霑等語逐條而備載每國而詳書有何不可何必為此簡渎含混之詞堅彼之黨而索我之章總之聖朝馭遠一秉大公萬國皆將諒其誠何獨日本永遠宗城訂約之後旋進京謁總理衙門王大臣齋呈國皇所獻

大皇帝儀物

朝廷亦加酬報命宗城齋歸初前光之來先呈約草以兩國利益為辭及隨宗城再至則專欲倣照泰西諸約議約大臣以中東兩國有來有往每事須作彼此兩國之詞方昭公允斷斷持議久而後定前光致應寶時陳欽書曰伊達大臣之發東都也臣應之曰但看他日約成當知其實今觀來稿大約與西人不同者亦不少交際之道萬國祇可劃一不可輕重欲重之也西人妬而分之欲輕之也西人侮而詆之今兩國均有西客旁觀出入頗生枝節倘有參差非特不能通行且謂使者不力何誠能心照意援條規章程不若姑從西人痕迹無事更張不露

聲色之爲愈也應實時陳欽亦覆以書曰貴國特派大臣前來
原爲通兩國之好若以迹類連橫慮西人之忌則伊達大臣
不來更無痕迹亦主之國應有自主之權何必瞻徇他人鯁
過慮况條規中亦並無可令西人生疑之處也兩國有來有往
利未嘗獨斷於日本今送者斷不能盡同泰西且西人所不得
希即一嘗獨斷於日本今送者斷不能盡同泰西且西人所不得
相矛盾翻欲將前稿作爲廢紙則是未訂交先中不能盡同
失信將何以善其後乎我中堂又何以覆命乎中有不能盡同
西約者惟內地通商一事先是泰西諸約既經指定口岸通商
出於疏誤而約中混入許其游歷內地通商一語本係牽連及
均霑之詞紛紛效尤於是華商亦多假借西商希免稅釐抗法
度流弊孔多及是章程中聲明不准運貨入內地不准華人前
置買土貨前光等堅以有異泰西爲辭鴻章面折以華人前
西國隨處通行並無限制今日日本係以入口岸與中國通商華
人既不能到日本內地貿易日本亦豈應入中國內地貿易
此係兩國從同確乎公允何得宗城既歸日本意尙缺望宗城
引西約爲例前光始語塞而退宗城既歸日本意尙缺望宗城
旋以事免官五年二月以外務大丞柳原前光兼少辦務使四
等公使於我議改約不得要領而還臣前光齋有外務卿副島種
使

洋大臣李鴻章文書大畧謂承訂條規經奏聞允行惟去歲後
國特派大臣使於歐西欲倣萬國通例議商改約將來改定後
條規中所載以已國法訓斷已民等事必須更正故先商明又
條規第二條遇事彼此相助從中調處之語兩國既結和誼雖
無此語亦有權可行應請裁撤第十一條帶刀之禁佩刀乃我
國禮制若以入國問禁第交我國理事官檢束可耳不使明禁
亦宜削去今特派前光等而與貴國大臣通商章程往來擬
議以爲他日批華互換之地云云前光又陳通商章程所載進
出口稅各條須議由日本與泰西照成規抽收不必指明稅則
前光謂鴻章後再商鴻章曰日本與泰西照成規抽收不必指明稅則
可以換約後再商鴻章曰日本與泰西照成規抽收不必指明稅則
緬民滋事預爲防範由理中官布告禁令亦無不可俟約滿時
刪除不從中調處一語信如外務卿所請各國均有此權但議
約時不載則可既載復裁旋轉貽笑兩國交際於定約之後未
鑿乎條規所載信守弗渝之謂何萬國公法最忌失信爾國何
可蹈此不韙貽笑外人前光喘喘縮縮伏第言最忌失信爾國何
章亦覆以書案萬國公例各國流寓之民均歸地方官管轄海
關收稅輕重多寡悉由自主他人不得干預日本於是時既悉
外交利弊特遣岩倉具視等使歐美各國欲倣泰西通例將舊
約中領事官以已國法審斷已民之條及海關收稅彼此會商
之語一槩刪改權歸自主故種臣等有此商請唯西人既得之
利難以遽奪自岩倉歸後今已越十年尙無歸宿帶刀一事凡
世族悉佩雙刀庶民亦或帶單刀實爲日本禮制然其後從森

有禮之議幸自行革禁至彼此調處之言聞十月有秘魯國商船瑪利亞留士在澳門騙誘華民三百餘名為傭載赴其國既而遇颶風泊橫濱傭人苦舟師虐使投水遇救英國兵艦長挨神奈走訴神奈川縣廳時副島種臣為外務卿命阻留商船解放諸傭告於我國我國遂遣同知陳福勳來日本攜之還深謝其鄰誼時日本與秘魯未立約秘魯旋遣使責日本越俎多事於公法秘魯不得要償議乃結十一月以外務卿副島種臣為特命全權大使使於我換條規先以書致北洋大臣李鴻章商改章今我改約大使東徂西轉已越一年若俟其歸似太遲緩今已疏請先行換約奉命以種臣為大臣即日來華種臣諒鴻章又自陳前光之六年四月至天津我來非其意所樂為云時朝命北洋大臣李鴻章為換約大臣遂互換條規種臣旋入京

穆宗毅皇帝親政禮成泰西公使咸籲請

覲見仲慶賀六月

穆宗毅皇帝召見於紫光閣種臣以頭等全權大臣在俄美英法諸使之先捧國皇書入

覲書曰大日本國大皇帝敬問

大清國大皇帝曩者兩國俱與泰西各國交通往來而獨兩國未脩親睦故於去歲簡派親臣大藏卿伊達宗城經與

貴國議定條規已予批准允宜派使互換適聞

大皇帝已成婚且親政朕深歡喜乃特遣外務大臣副島種臣于

貴國交換條約併伸

慶賀朕固知種臣堪為喉舌專司外務無不代朕肩承言歸于

好冀

大皇帝恩交誼篤鄰好待該使臣優加仁厚彼此兩國蒙慶永
久弗渝特茲敬白併祈

大皇帝多福眉壽種臣艱禮成鞠躬肅退

皇帝命覆以國書書曰

大清國

大皇帝復問大日本國

大皇帝好茲接使臣副島種臣齋到來書披閱之餘實深忻悅
朕祇承

天命寅紹丕基中外一家罔有歧視矧關鄰誼尤重推誠上年
所立條規現已宣論刊布嘉儀孔多足徵厚意用答微物藉使
寄將願我兩國永敦和好同荷

天庥朕有厚望焉仍命種臣齋歸自中國與外國締交三十餘
載今以

特恩召見種臣居首班世誇爲至榮種臣換約之後以井田讓
爲總理事管十五口商務品川忠道爲理事駐上海兼管寧波
鎮江九江漢口四處林道三郎爲副理事管廣東瓊州潮州三
處而駐於香港各令赴任視事種臣既歸留前光爲公使明年
乃有臺灣生蕃之事先是辛未十一月有琉球船遇颶風飄至
臺灣爲生蕃劫殺五十四人癸酉三月小田縣民四名亦漂到
遭害喜事者因謂生蕃豺狼不可不膺懲特以生蕃熟番有異
欲先質經界於我會種臣在北京乃寄諭種臣命詢臺地事種
臣難於啟口因遣副使柳原前光問我總理衙門大臣毛昶熙
董恂昶熙等答曰蕃民之殺琉民旣聞其事害貴國人則我未

之聞夫二島俱我屬土屬土之人相殺裁決固在於我我恤疏人自有措置何預貴國事而煩爲過問前光因大爭琉球爲日本版圖又具證小田縣民遇害狀且曰貴國已知恤琉人而不懲臺蕃者何曰殺人者皆屬生蕃故且置之化外未便窮治曰本之蝦夷美國之紅蕃皆不服王化此亦萬國之所時有前光曰生蕃害人貴國舍而不治然一民莫非赤子赤子遇害而不問安在爲之父母是以我邦將問罪島人爲盟好故使某先告之反覆論詰者累日卒不能畢議及前光歸白狀於是征臺之議遂決甲戌三月以陸軍少將西鄉從道爲都督陸軍少將谷干城海軍少將赤松則良爲參軍率兵赴臺灣陸軍少佐福島九成爲廈門領事兼管蕃事別延美國人李仙得參謀議得者會充駐劄廈門之美國領事以美船事會至臺灣生蕃諸社後爲外務省所聘副島種臣使中國亦嘗隨行 傭英美

船爲運輸而特命參議兼大藏卿大隈重信爲綜理四月從道等率海陸軍發品川旋抵長崎以薩邸爲蕃地事務局重信等隨至時美國公使某執局外中立之例建言曰大邦無端率軍艦兵卒而入華境彼必以爲寇邊我船船人民苟爲大邦所傭役彼又必以我爲應援我與華人亦爲同盟豈敢獨有私於大邦而結怨鄰好凡屬美國所有願一切收還遂布告其流寓商民守中立例並令廈門美領事捕李仙得等英國公使亦言中國必生異議按之公法實無此舉於是內閣大生紛議急遣權少內史金井之恭傳內旨於長崎令重信止軍行且歸京重信走告從道從道不奉命曰近日朝政朝令夕改令人危疑況招集精銳駕馭一誤潰敗四出禍且不測豈止佐賀之比是年前參議江藤新平叛亂之事見國統志中 必欲強留某則奉還勅書躬自擣醜虜巢

窟斃而後已萬一清國生異議朝廷目臣等為亡命流賊則於

答之乎何有先是日本欲於蕃地為屯田計因命從道募兵鹿

台下令忽有流言謂熊本坂兵將東上叩關請出師之命故從

道以是要挾從道又曰即使內閣大臣西下親諭亦不能從辭

色俱憤重信乃曰內旨非必停師特以外國公使有違言將俟

後圖懇諭百端從道卒不肯即夜下台發師翌日領事九成等

遂率兵一百人重信電報狀朝議大憂又命內務卿大久保利

通於長崎從道卒不聽乃戒以姑行勿妄交兵以待後命利通

等遂攜李仙得還東京五月二日諸艦相率發日進孟春三

達社寮港既上岸移陣龜山社寮平曠無可扼守時日進艦放

狙擊乃移營龜山扼內山衝路旋遣輕兵入山牡丹社蕃伏匿

茂草中猝起邀擊殲伍長某越三日以熟蕃為導生蕃亦出關

日本兵發銃於叢莽斃其餘皆奔遁進攻竹社風口石門諸

熟蕃告以伴走有伏日本兵不敢追躡進攻竹社風口石門諸

蕃石門拒難山二十餘里巉岩天險生蕃疊石為壁據險力拒

人從道亦乘高砂艦繼至解約還之於是運糧調兵皆失便眾

皆憤鬱乃謀購買而外船購倍其價以銀六萬圓購一美艦可

容兵五百名曰社寮又以十萬圓購一英艦可容兵千載物千

噸高砂艦是也至則分道進攻不利乃退守龜山脩橋梁闢荒

燕為屯田持久計六月一日仍分竹社風口石門三道攻牡丹

河帶水奔注勢如激箭諸軍提挈亂流而渡兵或漂溺既而深

入山谷澗水橫流泥淖沒踝土蕃伐木塞路日本兵捫葛藤攀

岩壁蠅旋魚貫而行屢為土蕃所阻力進奮擊焚廬舍數所蕃

人徒跌陟險而走其捷如飛日本兵追之不及從道等乃謂土

蕃出沒不常我兵迫擊則鳥遁獸逸條失所在功不償勞計不

如杜集穴絕饒道以術制之以待其窘乃宣守於雙溪石門風

港諸道收軍還龜山造都督府設初師發長崎復遣柳原前光

於北京領事九成至廈門亦書告閩浙總督李鶴年書曰去年

以下既報貴國政府今將起師問罪於貴國化外之地若貴國

聲教所暨則秋毫不敢侵犯疆場密邇願毋致騷擾鶴年覆書

日臺灣全島我所管領土蕃犯禁我自有處置何借日本兵力

為至貴國人民四名之遇禍者我臺灣府吏實救庇之何可以

怨報德請速收兵退鶴年以聞時總理衙門北洋大臣既先馳

奏我

朝乃命船政大臣沈葆楨巡視臺灣調兵警備前光至京謁總理衙門詞旨牴牾於是二國勢將構兵日本即徵兵諸國商購鎮甲艦於英我則築礮臺於澎湖諸島設海底電線於臺灣廈門間購新法洋鎗三萬枝於德國調淮兵來臺議購鎮甲艦於丹國歐美海客在兩國者論彼我曲直強弱日付之新聞紙乘機鼓煽船艦兵仗之價頓增三倍日本兵久屯龜山以酷暑多病疫棺槨相望進退維谷國皇特遣侍醫及外國醫員往療之命御庫製冰運往別募新兵罷歸病者而是時亦松則良在上海偵探馳報巡撫王凱泰將兵二萬向臺地日本大恐八月遂以參議大久保利通為辦理全權大臣委以和戰之權陸軍大佐福原和勝三等議官高崎正風組別以佛人披薩拿參機密六日發東京十九達上海李仙得亦隨行初李仙得役更任特例辦務使赴廈門美國領事以租局外中立令捕之李仙得不日日本得聘用美人載於條約日本聘我在臺事

未起之前今擅禁其用我是使美國失信於日本也九月十四日利通謁我總理衙門王大臣先辯論蕃地所隸之經界互相齟齬經二旬未決利通乃宣言歸國再舉日諸公所言輒引條約以背盟罪我是陽唱和我而陰疏斥我也我而陰託英國公使威妥瑪居間調停初利通要償軍需金三百萬圓總理衙門以日本為無理橫肆堅執不許時我軍機大臣文祥執議不給奏稱倭備雖增委情漸怯彼非不知難思退而謠言四布我受其恫喝遷就求和倘入彼彀中必得一步又進一步但使我厚集兵力無隙可乘自必帖耳而去姑寬其稱兵既往之咎已足見朝廷逾格之恩倘妄肆要求願堅其稱兵既往之咎已葆楨又貽書北洋大臣李鴻章曰大久保之來其中情窘急可想然必故示整暇不肯遽就我範圍是欲速之意在彼不在我行成鴻章以告總理衙門廷議大譁之既而念日本近在肘腋無以餬其欲恐有妨亞細亞洲後來和局乃終許撫卹籌補銀限期撤兵兩國遂和好如初條款日照得各國自行設法保全茲

以臺灣生蕃會將日本國政府屬民妄為加害日本國本意為該蕃是問遂遣兵往彼向該生蕃詰責今與清國議退兵并善後辦法開列三條於後一日本國此次所辦原為保民義舉清國不指以為不是二前次所有過害難民之家清國願給以撫恤銀十萬兩日本所有在該處修造房屋等件清國願留自用先行議定籌補銀四十萬兩三所有此事兩國一切往來公文彼此撤回註銷作為罷論至該處生蕃清國自行設法妥為約束是日我總理各國事務和碩恭親王軍機大臣管理工部事務文祥軍機大臣協辦大學士吏部尚書寶鋈吏部尚書沈桂芬兵部右侍郎書董恂工部尚書崇綸軍機大臣兵部尚書沈桂芬特命辦理全權大使大久保利通駐劄公使柳原前光咸會於各簽押鈐印定**利通於定約之夕即走謝威安瑪明日遂發北京**至天津謁李鴻章領懷款晤盡歡而別初前光因臺事謁鴻章亦未修謁及歸抵橫濱商民各張燈綵迎之以慶和成國皇是乃過訪焉

亦御正殿賜謁詔賞其勲勞李仙得先歸國皇亦引見慰勞之謝蓋以威妥瑪旋特遣勅使於臺灣詔班師十二月從道等振等調停盡力也

旅歸費六百餘萬圓其土疫死者甚眾

八年十月以外移少

輔森有禮為特命全權公使遣如北京明年丙子以朝鮮擊總理衙門以書告朝鮮勸修好有禮又往保定謁北洋大臣李鴻章鴻章飲之酒而縱談曰平秀吉想是千古偉人然朝鮮之役前後七年明以朝鮮為我國藩籬在平秀吉必爭致喪師糜餉兩受其害有禮曰朝鮮果為中國藩屬否鴻章曰此天下萬國所共知且條規中既載之有禮曰條規中何嘗及此鴻章曰兩國所屬邦土非指朝鮮諸國而今又無端擊我兵艦我國是以有征韓之議鴻章曰朝鮮屢拒我國書今又無端擊我兵艦我國是以有征韓之議鴻章曰朝鮮屢拒我國書今又無端擊我兵艦我國是以有征手旁視以大字小頗貴國熟圖之鴻章又取筆書中國亦豈能袖無利益八字示之有禮唯唯臨別起告曰今夕所**初條規已換論戰事乃森有禮一人之言非日本使者之言也**

華民流屬日本者日本以未設領事官遂頒告居留華民規則

令之遵守並課金作經費先是華商僅居長崎一口其後新開神戶有數百人長崎有千餘人築地箱館各有百數十人大約間粵浙籍為多日本令各舉董事經理每人每歲課銀二圓以充經費

至歲丙子光緒二年為明治九年我

朝乃特簡翰林院侍講何如璋為欽差大臣候選知府張斯桂

為副使并分設理事先是議約之始曾國藩奏稱日本物產豐饒彼國市舶將絡繹東來中國賈帆亦必聯翩東渡不日泰西諸國洋商來而華商不往華人往者已多中國似須派員駐劄日本約東內地商民訊辦華洋爭訟案件李鴻章亦奏稱中外已定和約均宜各派官員往駐其國庶消息易通勢力均敵近年奉詔迭次派員往泰西各國通商船業與從前隔閡情形小異日本近在肘腋自變更西法造兵船開鑛路又派人往西學習技藝其志固欲自強以禦侮究之距中國近而西國遠聯絡之則為兄弟拒絕之或反為仇讐誠宜簡員往駐隨時偵其動靜與之推誠相與設法牢籠亦可管束我國商民云云九其後福建巡撫王凱泰丁日昌湖南巡撫王文韶均以爲言

國書書曰

大清國

大皇帝問大日本國

大皇帝好朕誕膺

天命寅紹丕基眷念友邦言歸於好茲特簡二品頂戴升用翰

林院侍講何如璋為欽差出使大臣三品頂戴卽選知府張斯桂為副使往駐貴國都城並令親齎國書以表真心和好之據朕知何如璋等和平通達辦理交涉事件必能悉臻妥協惟冀推誠相信得以永臻友睦共享昇平朕有厚望焉如璋率同副使張斯桂參贊黃遵憲入謁行三鞠躬進退禮國皇喜受書日本漢學者皆謂自隋唐通好以來千有餘載及是使者始奉旋購使館於東京之霞關又於橫濱設理事官一員兼管築地神戶設理事官一員兼管大阪長崎設理事官一員中國商民咸歸管轄

日本國志卷六

日本國志卷六

